

劉伯林濟南人好任俠善騎射金永為威寧防城千戶壬申太祖圍威寧伯林以城降卽以金都提控原職授之命遷士卒為一軍招降山後諸州太祖北還留伯林也天城遏金兵前後數十戰進功西京錄功賜金虎符充西京留守兼兵馬副元帥戊寅從攻下太原平陽己卯破潞絳及火山聞喜諸州縣時欲徙聞喜民實天城伯林以此地人艱食力爭止之辛巳以疾卒累贈太師封泰國公諡忠順

魏源字文淵建昌人永樂四年進士累遷刑部尚書正統二年命往大同宣府督察諸將便宜從事源按行天城朔州諸險要令將吏分守免屯軍租一年儲火器為邊備諸依權貴避役者悉括歸伍邊務修飭後致任卒

賈斌安平人山西行都司天城衛令史明景泰間上言漢桓靈權歸宦豎唐文宗受制家奴宋徽欽聽用閹寺皆馴致敗亡我太上皇失征亦由此輩臣於歷代直諫盡忠之士與恃寵宦官錄成四卷名曰忠佞錄乞刊布臣僚庶群臣有所觀感而宦

妄言擅離職役發回原衛爲民天下惜之

趙炳然字子晦劍州人嘉靖十四年進士爲御史與給事中李文進覈宣大山西兵餉劾前後督撫樊繼祖史道監司楊銳指揮馮世彪等一百七十七人侵冒罪坐謫有差條上備邊十二事後以兵部尚書兼右都御史總督宣大山西軍務新平平遠保平三堡蜜邇宣府舊屬大同天城相去六十里孤懸塞外隔崇山寇騎時出沒炳然慮其不守奏添設叅將別爲一營詔如所請隆慶初乞休卒贈太子太保謚恭襄

周尚文字彦章西安後衛人多謀畧精騎射雙指揮同知
嘉靖中起山西副總兵寇田偏頭關趨哥嵐轉戰三百
里破之與其子君佐俱傷賚銀幣二十一年秋又以總
兵官鎮大同寇田宣府人出大同塞而北尚文邀之稍
有俘獲後寇復大舉犯鶉鵠峪將南下尚文備陽和遣
騎四出邀寇寇遁賜勅獎勞之總督翁萬達議築邊牆
自宣府西陽河至大同關山口延袤二百餘里乃築陽
河以西至山西了角山凡四百餘里敵臺千餘斥屯甲
四萬餘頃益軍三千有奇而新平尤為宣大咽喉公設

將添兵題准以地召軍永不起科上嘉其功晉左都督
加太子太保穆宗初贈太傅諡武襄今崇祀新平堡三
英祠

翁萬達字仁夫揭陽人嘉靖五年進士二十三年為兵部
右侍郎兼左僉都御史代翟鵬總督宣大山西保定軍
務寇數萬騎犯大同中路入鐵裏門故總兵張達力戰
却之又犯鵜鴿峪叅將張鳳諸生王邦直等戰死萬達
與總兵官周尚文備陽和而遣騎四出激擊屢有斬獲
寇登山見官兵大集乃引去事聞賜勅獎賚屢疏請修

築邊牆議自大同東路至宣府西陽河須帑銀二十九萬上已許之兵部以大同舊有二邊可扼敵騎不當復於三邊內築牆上不聽乃自大同東路陽和天城開山口諸地為牆百二十八里堡七墩臺百五十四而宣府亦為牆六十里功五十餘日成晉右都御史後艱歸卒隆慶中諡襄毅

馬芳字德馨蔚州人十歲為寇所掠潛自亡歸周尚文鎮大同奇之署為隊長數禦寇有功嘉靖二十九年授陽和衛總旗戰威遠斬級九十集寇新平堡復有功無何

天鑑錄
卷之六
戰泥河大破之累遷指揮僉事萬歷中卒芳威名震邊
陲為一時將帥之冠

麻祿大同右衛人官新平參將嘉靖四十五年敵勢猖獗
目中已無新卒危在八九公枕戈待旦身搃版鍤無險
不設無衝不備戮力死守孤堡保全當時稱為良將第
一新平士民建生祠塑像祀焉

郭琥字宗器永昌衛人由總旗積首功隆慶時為大同副
總兵又任山西尋代馬芳鎮大同以貢市功累晉右都
督萬歷十一年以老乞休晉都督致任卒琥廉潔好籌

晝識軍進止又修新平一路邊垣以拒敵百姓安堵免
慘掠之苦至今德之為塑像從祀新平堡三英祠

麻貴祿子由舍人積功至都指揮僉事充宣府遊擊將軍
隆慶中遷大同新平堡叅將寇大人興兄副將錦拒戰
有功受賞萬歷十年冬以都督僉事充寧夏總兵官尋
徙鎮大同頻以安邊勞蒙賜賚稱一時良將焉

范錫直隸定興人萬歷間以舉人任大同東路同知慈祿
廉幹動為邊民造福重建廣聚倉宏敞精密甲於雲州
磚包南關皆其營度歲歉多方贍救民賴以活至於加

意學校而計室家以給貲斧卽家人父子不啻焉迄今
子孫累登甲第人謂廉史之報云